

忻州志卷五

形勝

州境南有赤塘石嶺之阻北有忻口雲內之隘定襄靜樂分峙東西甯武雁門環山拱後誠四塞之地也

楊維嶽曰忻三邊孔道全晉後藩誠重地也唐宋戍石嶺赤塘二關郡置防禦團練使國朝邊防在雲中雁門以此爲內地遂不設兵然與沁隰平定相提而論則邊腹有分矣彼皆建所此何獨無之嘉靖庚申歲虜由甯武諸口入犯受禍甚慘省會戒嚴忻口迤西東高西西等都一帶平行虜渡沙河直抵郡城入雲內口過赤塘

忻州志

卷五

形勝

一

直抵省會撫軍衛公長慮調太原沁戍防秋沁人憚往返咸願析附竊欲議將治東廢王府詳建所治以防戍實之因郡糧額重兵食難議未果尋亦罷戍僅本郡壯兵二百餘耳虜歛後率多調遣近軍調發幾盡儻一旦有警驅市兒登陴恐無濟緩急也

竇容邃曰按忻郡爲全晉後藩三關內障出入鎖鑰誠屬要地前代疎於禦侮急則調遣防戍緩則散歸營伍以致邊警日恣民不聊生楊公之慮遠矣自

本朝德威遠播設立營汛無論雁門等關不聞鼠竊之警即大朔諸府亦晏然而登衽席之安况忻郡直隸東西

控馭三百餘里涵育撫字閭閻有盈甯之樂教化薰陶老稚習禮讓之風守土諸臣尚於未雨而爲綢繆之計哉

按三晉爲

神京右臂忻郡又爲省會藩屏南接太原北通沙漠左出右人實省北一大都會厯考前代外攘內安官民不遑甯處前事俱在史冊可稽我

國家版圖式廓不獨忻郡爲腹地即雁門以北縱橫數千里亦與內地無異二百餘年桴鼓不驚萑苻無擾使諸民得盡力於耕鑿長享昇平之福此豈偶然哉夫禮義

忻州志

卷五

形勝

一一

生於富足教養係乎官司苟能家給人足俗尚敦龐所謂形勢莫如德者非歟然而安不忘危有備無患是又守土者平日未雨綢繆昔先王儲戎器以戒不虞王公設險以守其國經權互用有勇知方有斯民之責者安可忽諸